



# Халқ сўзи

Ўзбекистон – келажаги буюк давлат

2020 йил – ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2020 йил 16 апрель, № 78 (7580)

Пайшанба

Сайтимизга ўтиш учун QR-кодни телефонингиз орқали сканер қилинг.



## Улуғ ва меҳнаткаш халқимизнинг қудрати, ақл-заковати ва сабр-матонати, меҳр-оқибати ва самимияти билан ушбу оғир синовларни ҳам, албатта, енгиб ўтамиз.

Шавкат МИРЗИЁЕВ

### Ўзбекистон Республикаси Президентининг ҚАРОРИ

## КОРОНАВИРУС ПАНДЕМИЯСИ ДАВРИДА ЎЗБЕКИСТОН РЕСПУБЛИКАСИ ДАВЛАТ БЮДЖЕТИ БАРҚАРОРЛИГИНИ ТАЪМИНЛАШ ВА БИРИНЧИ НАВБАТДАГИ ТАДБИРЛАРНИ ЎЗ ВАҚТИДА МОЛИЯЛАШТИРИШ ЧОРА-ТАДБИРЛАРИ ТЎҒРИСИДА

Коронавирус инфекциясининг қисқа муддат ичида глобал миқёсда тарқалиши деярли барча мамлакатлардаги ижтимоий-иқтисодий ҳолатнинг ёмонлашувига олиб келмоқда.

Жаҳон банки, Халқаро валюта фонди ва бошқа халқаро институтлар 2020 йилда жаҳон иқтисодиётининг пасайишини прогноз қилмоқда, карантин муддатларининг чўзилиши туфайли ушбу прогнозлар глобал ишлаб чиқариш ҳажмларининг янада пасайиши тарафига ўзгармоқда.

Карантин даври Ўзбекистонда, асосан, жорий йилнинг II чорагига тўғри келиши ва шу даврда иқтисодий фаолликнинг сезиларли пасайиши Давлат бюджетни барқарорлигига хавф туғдирмоқда. Шунинг учун касаллик тарқалишини максимал даражада локализация қилиши ва карантин муддатлари чўзилиб кетишининг имкон қадар олдини олиш муҳим ижтимоий-иқтисодий аҳамиятга эгадир.

Ўзбекистон Республикаси Давлат бюджетининг барқарорлигини таъминлаш, коронавирус инфекцияси тарқалишининг олдини олиш бўйича муҳим тадбирларни, иш ҳақи ва унга тенглаштирилган тўловлар, пенсия ва нафақалар ҳамда устувор давлат дастурларини ўз вақтида ва тўлиқ молиялаштириш мақсадида:

1. 2020 йил учун Ўзбекистон Республикаси Давлат бюджетининг тасдиқланган тақчиллиги мавсумий омилларни инобатга олган ҳолда, асосан, жорий йилнинг II чорагига тўғри келиши ва коронавирус пандемияси оқибатида қўшимча бюджет харажатларининг юзага келиши туфайли тақчилликнинг ушбу чорақда янада ошиши кутилаётганлиги маълумот учун қабул қилинсин.

2. Қуйидагилар коронавирус пандемияси ва глобал инкироз даврида Ўзбекистон Республикаси Давлат бюджетининг барқарорлигини таъминлаш ва бюджет харажатларини мақбуллаштиришнинг устувор йўналишлари этиб белгилансин:

коронавирус инфекцияси тарқалишига қарши курашиш бўйича чекитириб бўлмайдиган тадбирларни амалга ошириш;

(Давоми 2-бетда).

### Акс садо

## КОРОНАВИРУСГА ҚАРШИ ЧОРАЛАР ҲАР БИРИМИЗНИНГ МАСЪУЛИЯТИМИЗНИ ОШИРАДИ

Президентимиз куни кеча бўлиб ўтган глобал инкироз ва пандемия шароитида Ўзбекистон қишлоқ хўжалиги олдида турган долзарб вазифалар муҳофазасига бағишланган видеоселектор йиғилишида коронавирус ҳамда унинг оқибатларини бартараф этишда барча чора-тадбирлар кўрилатганини таъкидлагани ҳар биримизнинг кўнгилмизни кўтарди. Бу барчамизни пандемияга қарши курашишда ҳамжиҳат, ҳушёр ва фаол бўлишга ундайди.

Дарҳақиқат, бугун SARS-COV-2 вирусининг кенг тарқалиб, оғир атипик пневмония касаллигини чақираётгани ва дунёда COVID-19 деб аталган пандемиянинг кенг тарқалаётганига гувоҳ бўлиб турибмиз. Ушбу касалликнинг биринчи аломатлари 2019 йилнинг декабрь ойида эълон қилинди ва ўтган 4 ой ичида вирус дунёдаги барча давлатларга тарқалиб, кўплаб инсонларнинг ўлимига ва жаҳон иқтисодиётига инкирозига сабаб бўлмоқда.

Бу ҳақда келажақда бир қатор илмий ва объектив ҳулосалар билдириш учун узок вақт давомида илмий ҳам-жамият томонидан ўрганилиши ва муҳокамалар қилиниши аниқ бўлса ҳам, ҳозир-

➡ 4



### Муносабат

## Ҳамжиҳатлик ўз натижасини беришига ишонамиз

Ҳозирги синовли кунларда дунёдаги барча давлатларда бўлгани каби бизда ҳам қишлоқ хўжалиги ва озиқ-овқат маҳсулотларига бўлган эҳтиёж тобора ошиб бормоқда. Президентимиз раислигида шу йил 14 апрель куни қишлоқ хўжалиги тармоқларини янада ривожлантириш, озиқ-овқат маҳсулотлари ишлаб чиқариш ҳажмининг ошириш масалаларига бағишланган видеоселектор йиғилишида ушбу долзарб масала чуқур таҳлил қилинди.

Давлатимиз раҳбари томонидан таъкидланганидек, пандемия ва карантин қанча вақт давом этишидан қатъи назар, аҳолининг озиқ-овқатга бўлган талаби камаймайди. Шу боисдан ҳам мева-сабзавотчилик ҳамда чорвачилик тармоқларида маҳсулот етиштириш ҳажмининг икки баробар ошириш вазифаси қўйилди.

Сўнги уч йил мобайнида давлатимиз томонидан деҳқон ва фермер хўжалик-

лари, кластерлар учун барча шарт-шароит ва қулайликлар



## Меҳнатдан қочмаган инсон кам бўлмайди

Заминга меҳр қўйган, ишлайман, деган одамни давлатимиз банк кредити билан қўллапти, рағбатлантиряпти. Чорасини топган, омилкорлик қилган киши йилнинг тўрт фаслида ҳам зироатчилик билан шуғулланиши мумкин. Шундай имкониятдан саккиз йилдан буён фойдаланаман.



яратиб берилди. Бугунги синовли дамларда биз, қишлоқ хўжалиги вакиллари билдирилган ишонч ва зим-мамиздаги масъулиятли ва-зифани тўлақонли бажариб, халқимизнинг озиқ-овқат, мева-сабзавот ва гўшт маҳсулотларига бўлган эҳтиёжини қондиришимиз ва таъминлашимиз зарур.

## Оиламиз фаровонлиги саъй-ҳаракатимизга боғлиқ

Ўзбекистонда яшаётган катта авлод вакиллари яқин тарихимиз, хусусан, собиқ иттифоқ даврида томорқадан фойдаланишда кўплаб тушунарсиз ҳолатларга дуч келишганини унуттирмаган бўлсалар керак. Уша пайтларда жамият ва давлат томонидан томорқа участкасидан унумли фойдаланиш коллектив манфаатларига зид, деб қаралган ва амалда бу соҳа ўз ҳолига ташлаб қўйилган эди.

Шундай вақтлар бўлганки, моддий-техник ёрдам у ёқда турсин, ҳатто одамлар ўзига бириктирилган томорқа участкасидан экин экишга вақт ажрата олишмаган, ҳамма иш коллектив жамоа ишидан кейингина бажарилиши керак эди. Бунинг устига томорқадан мева-сабзавот етиштиришда зарур қишлоқ хўжалиги техникаларидан ошқора фойдаланиш имконияти ҳам бўлмаган. Томорқа участкаси бор одамнинг тўлиқ имкониятини

амалга оширишга қўйилган тўсиқлар фақат шуларгина бўлиб қолмай, экин навлари ва уруғликни танлашда ёрдам бериш, моддий маблағ, банк кредитлари ажратиш ҳақида фақатгина хаёл қилиш мумкин эди, холос. Минерал ўғитлардан фойдаланиш эса қолхоз даласига берилганидан яширинча олиш ҳисобига амалга оширилган. Деҳқон шу говларнинг барчасидан ўтиб томорқасида бозорбоп маҳсулот ети-

тирса-да, аммо уни бозорга олиб бориб сота олмаган.

Сабаби бозорда томорқасида етиштирилган маҳсулотни сотмоқчи бўлса, бу чайқовчилик билан шуғулланиш, дея ҳисобланган. Умуман, деҳқон одамнинг томорқа хўжалигига эътибор бериши жамоавий манфаатдорликдан шахсий манфаатни устун қўйиш, дея баҳоланиб, салбий намуна сифатида кўрсатилган. Бу деҳқонларимизда ернинг ҳар бир қари-чидан унумли фойдаланишга бўлган истагини амалга ошириш учун имкон бермаган. Оқибатда қишлоқ хўжалиги билан шуғулланадиган томорқа участкалари эгаларида боқимандалик кайфияти авж олиб кетган даврларга ҳам гувоҳ бўлдик.



### Парламентдаги мухбиримиз хабар қилади

## Ҳисоб палатасининг ҳисоботи кўриб чиқилди

Сийсий партияларнинг парламент куйи палатасидаги фракциялари йиғилишлари видеоконференцалоқа шаклида ўтказилди. Унда Ўзбекистон Республикаси Ҳисоб палатасининг 2019 йилдаги фаолиятига оид ҳисоботи кўриб чиқилди.

Чунончи, Ўзбекистон “Миллий тикланиш” демократик партияси фракцияси йиғилишида таъкидланганидек, Ҳисоб палатасининг ўтган йилдаги фаолияти Президентимизнинг Фармон ва қарорлари, Давлат бюджет шаклланиши ва даромадларини кўпайтириш захираларини аниқлаш ва сафарбар қилиш, олий даражадаги таширифлар давомида имзоланган ҳужжатлар, шунингдек, стратегик аҳамиятга эга инвестиция лойиҳаларининг ижросини таъминлашга қаратилган.

Давлат ва жамоат эҳтиёжлари учун олиб қўйилган ер участкаларига то-вор пуллари тўланиши юзасидан жой-ларда хатлов ўтказилиб, амалий ёрдам кўрсатилган. Бунда, товор учун пул, мол-мулк ва ер участкаларини ажратиш орқали мажуд қарздорлик 326,3 млрд. сўмга қисқартирилган. Шунингдек, 10 та ҳудуддаги рўйхатга асосан киритилган 382,8 млрд. сўмлик қарздорликлар аниқланиб, ҳисобдан чиқарилиши таъминланган.

қабул қилинган Давлат бюджетдан ажратилиши белгиланган маблағларнинг маданий мерос объектларини асраб-авайлаш ҳамда инфратузилмани ривожлантириш тизимини такомил-лаштириш бўйича оқилона сарфлани-ши устидан Ҳисоб палатаси назорати-ни янада кучайтириш лозимлигини алоҳида таъкидлади.

Ўзбекистон “Адолат” социал-демократик партияси фракцияси йиғилишида қайд этилганидек, Ҳисоб палатаси томонидан бюджет тушу-млари тўлиқлигини назорат қилиш, қўшимча захираларни аниқлаш, солиқ-лар ҳисоблаш учун фойдаланиладиган маълумотлар базалари ишончилиги-ни баҳолаш, молия ва солиқ органла-рига ҳар томонлама қўмаклашиш ва-зифалари ижроси юзасидан 2019 йил-да ишчи гуруҳлар тузилиб, бевосита жойларга чиққан ҳолда 31 та ўрганиш ва таҳлиллар ўтказилган ҳамда ама-лий ёрдам кўрсатилган.



## КОРОНАВИРУС бўйича маълумот:

дунёда  
2020 йил 15 апрель ҳолатига кўра,  
жами касалланганлар сони —  
**2 032 330** нафар,  
касалиқдан тузалганлар сони —  
**501 665** нафар,  
вафот этганлар сони —  
**130 108** нафар.

Ўзбекистонда  
2020 йил 15 апрель  
соат 23.30 ҳолатига кўра,  
касаланганлар сони —  
**1302** нафар,  
тузалганлар **107** нафар,  
вафот этганлар **4** нафар.

## УЙДА ҚОЛИНГ!







